

“Muyoondiyandaula nkabela muyoondijana,
nkokuti na mwandiyandaula camoyo woonse.”

**MBONGA
WAMUZIBA LEZA**

MBONGA WAMUZIBA LEZA

Mbubonya Abrahamu mbwaakali “mweenzinyina a-Leza” nkaambo kakulipeda akumvwa Leza, ayebo ulakonzya kumuziba Leza akutambula luse, luumuno acileleko cakwe. Kuziba Leza kwiinda mukulipeda kwabwini alusyomo mulinguwe ncecintu cipati mubuumi. Mbubotu buli buti kuti Leza kalizubulula kuliboonse bamuyandaula amyoyo yabo yoonse!

Na waleka inzila yako njoyanda omwini akulipeda cabwini kuli-Leza, Muuya wakwe uyoopona mulinduwe. Taakwe ciyookonzya kukaandanya kuluyandano lwakwe mbosyoma zisyomezyo zyakwe akumutobela mukumumvwa. Uyooba Leza wako alimwi uyooba uyandika wakwe. Uyooziba kuti wakakuula amuulo mupati alimwi uyanda kuba aluswanaano anduwe—lino alyoonse mane kukabe kutamani.

Kumbila Leza kuti akugwasye kuteetela nobala mapeji aya aajisi majwi aazwa mu-Jwi lya-Leza.

Tupango twamalembe mukabbuku aka tulazwa mu-Bbaibe: Mulao wa-Musa, Intembauzyo, mabbuku abasinsimi amabbuku aa-Makani Mabotu.

KULI LEZA WABWINI OMWE BUZO

1

Jehova ngu-Leza wesu, Jehova ngumwi. Uleelede kuyandisya Jehova Leza wako amoyo wako woonse, amuuya wako woonse, anguzu zyako zyoonse.

—Deuteronomo 6:4b, 5

Nkaambo mbuboobu mbwamba Jehova iwakalenga ijulu. (Ngonguwe Leza. Ngonguwe iwa-kabumba nyika akwiipanga akwiimika. Teewakailenga kuti ibe yalupilingano pe, wakaibumba kuti ikalwe bantu.) Ndime Jehova. Taakwe umbi.

—Isaya 45:18

Kuti bantu bamisyobo yoonse yaansi bazibe kuti Jehova ngu-Leza, taakwe umbi.

—1 Bami 8:60

Ndime Jehova. Ndezina lyangu. Bulemu bwangu nsikoooyoobupa umbi, akulemekwa kwangu nsikooyookupa zikozyano zifulidwe.

—Isaya 42:8

Ndinywe bakamboni bangu, mbwaamba Jehova, . . . kuti muzebe, mundizuminine, mumvwisyenye kuti ndime oyo uuliwo. Taakwe Leza iwakanditaangunina kubumbwa, alimwi taakwe uuyoondisyala munsi lyangu. Ndime, ndime Jehova. Taakwe Mufutuli umbi.

—Isaya 43:10, 11

Amusandulukile kulindime, mukafutuke, numagolelo oonse aanyika, nkaambo ndime Leza, taakwe umbi.

—Isaya 45:22

2 LEZA NGU-SILUZYALO ALIMWI NGU-SILUSE

Jehova ngusibuuya, ngusiluse, ulamuka kukalala, ulizwide luzyalo. Nkaambo ijulu mbulili idamfu kwiinda nyika, mbubonya obo mbulukomedé luzyalo lwakwe kulibaabo bamuyoowa.

—Intembauzyo 103:8, 11

Pele luzyalo lwa-Jehova mpoluli lyoonse kulibaabo bamuyoowa, ... akuyeeya milao yakwe kuti baicite. —Intembauzyo 103:17a, 18b

Nguni Leza uuli mbuli nduwe nojatila zibi akulekelela milandu yabantu ... nkaambo luzyalo ndolumubotela. —Mika 7:18

Ndoluzyalo lwa-Jehova lutukasya kunyonyooka, nkaambo buu-

ya bwakwe tabumani. —Malilo 3:22

Nekuba kuti watusya buusu, ulatufwida luzyalo mubuuya bwakwe bupati. —Malilo 3:32

Kumuntu siluzyalo ulalibonya mbuli siluzyalo.

—Intembauzyo 18:25a

Amulumbe Jehova, nkaambo mubotu. Luse lwakwe talweeli.

—1 Makani 16:34

Nkaambo ndakalizi kuti uwe uli Leza siluyando, uli sibuuya, tofwambi kukalala, aluzyalo lwako ndupati —Jona 4:2b

Uluzyalo lwakwe luli kumazyalani amazyalani, kulibaabo abamuyoowa. —Luka 1:50

LEZA ULAKUYANDA

3

Jehova wakalibonya kuzwa ku-le, wati, Ndakuyandisya aluyando lutamani, aboobo nsina kuleka ku-kufwida luzyalo. —Jeremiya 31:3

Nkaambo ndizi miyeeyo yangu njinjeeya aandinywe, mbwaamba Jehova. Njemiyeeyo yakuleta co-lwe, teensi miyeeyo yamapenzi pe. Njanda kumupa bubotu mbumu-konzya kulangila kumamanino.
—Jeremiya 29:11

Ndamuyandisya, mbwaamba Jehova. —Malaki 1:2a

Mbuli muntu mbwafwida bana bakwe luzyalo, alakwe Jehova ulabafwida luzyalo abo bamuyoo-wa.
—Intembauzyo 103:13

Kupenga kwangu ndakaku-pe-gwa kuti kundigwasye. Pele (yebo O Leza) wakasya muuya wangu kuwida mucilindi calunyonyooko, nkaambo zibi zyangu zyoonse wa-zisowela kusule lyako.

—Isaya 38:17

Lino swebo twakaluziba akulu-zuminina luyando Leza ndwaaka-tuyandisya. Swebo tulamuyanda nkaambo nguwakasaanguna ku-yanda ndiswe. —1 Johane 4:16a, 19

Jehova Leza wanu mpali akati kanu, ngusilumamba uumuzu-ndya. Ulamusekelela cakuko-nawa, ulamulengulula muluyando lwakwe, akumukondelelwa ca-kiimba.
—Zefaniya 3:17

Pele bantu bezi Leza wabo ba-yooyuma akucita zigambya.

—Daniele 11:32b

Pele oyo uulikankaizya alika-nkaizizye cintu eci cakuti ulamvwisyia akuziba ndime, nkaambo ulizi kuti ndime Jehova si-buuya uubeteka kabotu akucita cakululama moonse munyika, nkaambo nzenzizyo zintu zindibotela, mbwaamba Jehova.

—Jeremiya 9:24

Bali acoolwe babamba imbeta zyakwe, bamuyandaula camoyo woонse. —Intembauzyo 119:2

Kuzibwe kuti buumi alufu, lulo-ngezyo alutuko, zyoонse ndazibi-

ka kuti mulisalile. Amusale buumi . . . Amuyandisye Jehova Leza wanu, amuswiilile ijwi lyakwe, amumukakatile, nkaambo kucita o-bo kulamuletela buumi.

—Deuteronomo 30:19b, 20a

Ncinjanda nduzyalo, tacili cipai-zyo pe. Kuziba Leza kulayandwa kwiinda zituuzyo. —Hosea 6:6

Mbuli insya mbwiifwekembela tulonga twamaanzi, moyo wangu ulafwekembela nduwe, O Leza.

—Intembauzyo 42:1

Wakati, Tulaya anywebo, ali-mwi ndakupa kulyokezya.

—Kulonga 33:14

KUPONA BUUMI BUTANTAMUKIDE KUZWA KULI·LEZA CILETELEZYA LUFU

5

Jehova uli anywe na muli awe. Na mwamuyandaula, ulajanwa kulindinywe, pele na mwamulekelezya, alakwe ulamulekelezya i-nywe.

—2 Makani 15:2b

Moyo wamuntu uleena kwiinda zintu zyoonse, ulijisi bulwazi bu-kaka kupona, taakwe uukonzya kuzibisya mbuubede.

—Jeremiya 17:9

Kuli inzila iiluleme mumeso aa-bantu, pele mamanino aayo nin-za zyalufu.

—Tusimpi 16:25

Nkaambo Leza takabalekede ni-baba baangelo abakabisya, pele wakabatonkela ansi, wakabajalila

mutulambwe twamudima uusia mbi, wakabapa kuti bayobwedwe lubeta. . . . Jehova ulizi kuvuna bamukomba kumasukusyo, aku-yobola bataluleme mulukomo ma-ne kusikila kubuzuba bwalubeta.

—2 Petro 2:4, 9

Pele kuti mwataswiilila mbwaam-ba Jehova akukaka majwi aa-Jeho-va, lino ijanza lya-Jehova lila-mulemena.

—1 Samuele 12:15a

Na muntu takalilili mulindime, wasoogwa mbuli mutabi, wayumi-nina. Eno bantu biitebba, akwiiso-wela mumulilo, nkabela yatentwa.

—Johane 15:6

Muyoondiyandaula nkabela muyoondijana, nkokuti na mwandyandaula camoyo woonse.

—Jeremiya 29:13

(Busongo) na wabuyandaula . . . mbuli zintu ziyandika zisisidwe, ncobeni . . . uyoojana luzibo lwa-Leza. —Tusimpi 2:4, 5

Amukumbile, mulapegwa. Amuyandaule, mulajana. Amukonkomone, mulajulilwa. —Matayo 7:7

Pele kuti kakwiina lusyomo tacikonzeki kukonda Leza, nkaambo woonse muntu uuswena kulinguwe uleelede kuzumina kuti Leza mpali akuti nguupa cilumbo kulibaabo bamuyandaula.

—Ba-Hebrayo 11:6

Ndayandisya bandiyanda, abaaboo basungwaala kundiyandaula balandijana. —Tusimpi 8:17

Jehova mubotu kuliyooyo umulangila, kumuntu umuyandaula. —Malilo 3:25

Wakaacita masi oonse aabantu kukulengwa komwe . . . Kayanda kuti bamuyandaule Leza, kuti kumwaampsya ambweni balamujana, nokubaboobo tali kule kuluumwi umwi wesu.

—Incito 17:26a, 27

Nendali ndime, nendalibika kuli-Leza, kunembo lya-Leza nenda-kapandulula kaambo kangu.

—Jobu 5:8

LEZA UYANDA KUTI TUBOOLE KULINGUWE

7

Nkaambo Jehova Leza wanu ngusiluse, ngusibuya, takonzyi kumufutatila abusyu bwakwe na mwaboola kulinguwe.

—2 Makani 30:9b

Nkaambo yebo, O Mwami, uli mubotu, ulafwamba kujatila. Ulatila luzyalo lwako kuli boonse bakukwiilila. —Intembauzyo 86:5

Amuswenenene kuli-Leza, elyo alakwe ulamuswenenena.

—Jakobo 4:8a

Jehova uli kufwaafwi kuliboonse bamwiita, boonse bamwiita calusinizyo. —Intembauzyo 145:18

Amuboole, tubuzyanye makani, mbwaamba Jehova. Nekuba kuti

zibi zyanu zyasalala pyu, ziyoottuba buu mbuli lukobo. Nekuba kuti zili mbuli zisani zisalalisya ziyooba mbuli boyo bwambelele.

—Isaya 1:18

Amuboole kulindime nyoonse nomukatede nomulemenwa, ndime enti kamulemunune. Amulikulike ijokwe lyangu, mwiye kwanagu, nkaambo ndilibombede, ndi mutete moyo, lino mulakatulu-kwa mumyoyo yanu.

—Matayo 11:28, 29

Awalo uuza kulindime nsikoomutanda akaniini pe.

—Johane 6:37b

LEZA ULASALALA

Nguni uuli mbuli nduwe, O Jehova . . . mulemu kukusalala?

—Kulonga 15:11a

Taakwe uusalala mbuli Jehova, nkaambo taakwe umbi, ndiwe olike.

—1 Samuele 2:2a

Kacili kule a-Leza kuti acite bubi, akuli-Singuzuzyoonse kuti alubizye.

—Jobu 34:10b

Ulasalala! Ulasalala! Ulasalala Jehova wamakamu! Nyika yoonse ilizwide bulemu bwakwe.

—Isaya 6:3b

Taakwe muntu mubotu, pele Leza alike ngumubotu.

—Marko 10:18b

Nkaambo mbuboobu mbwamba Mulemu Uusumpwidwe uu-

kede mubwami butamani, izina lyakwe ngu-Uusalala. Ndikede mubusena busalalisya busumpwidwe.

—Isaya 57:15a

Nguni uutakuyoowi, Mwami, akulemeka izina lyako? Nkaambo nduwe olike uusalala.

—Ciyubunuzyo 15:4a

Amulemeke Jehova Leza wesu! Amufugame kucilundu cakwe cisalalisya! Nkaambo Jehova Leza ulasalala!

—Intembauzyo 99:9

Jehova uliluleme munzila zyakwe zyoonse, ulasalala mumilimo yakwe yoonse.

—Intembauzyo 145:17

BANTU BA-LEZA BEELEDE KUPONA BUUMI BUSALALA

Wazumina kuti Leza ngumwi luzutu na? Mbukubede. Abalo b-daimona balazumina obo, balakanama. Pele yebo omuntu wabuyo, sa ulayanda kuziba kuti lusyomo lwaanzeene kumilimo lulifwude buyo? Pele amube basikucita makani, mutabi basikuswiilila buyo balyeena. —Jakobo 2:19, 20; 1:22

Oyo uuamba kuti ndimuzi, anukuti tabambi milazyo yakwe, mu-beji, lusinizyo taluli mulinguwe. Lino bana ba-Leza abana ba-Saattani balazibwa boobu. Umwi au-mwi uutaciti bululami tali wa-Leza, naba oyo uutayanda mweenzi-nyina. —1 Johane 2:4; 3:10

Inzila yasizibi ilasesemya Jehova, pele uutobela bululami ulamu-yandisya. —Tusimpi 15:9

Amutobele luumuno Iwakulikallila abeenzinyoko boonse, abusalali, ubunga muntu atakujana bulamukasya kuyoobona Mwami.

—Ba-Hebrayo 12:14

Pele mbuli mbwasalala oyo uwakamwiita, anywebo nobeni amusalale mukweenda kwanu koonse. —1 Petro 1:15

Amuyandaule bubotu, mutanyandauli bubi pe, kuti mube abuumi, aboobo Jehovah Leza wamakamu uyooba anywe mbubonya mbumwaamba. —Amosi 5:14

Taakwe cintu cimbi Jehova nca-yanda kulinduwe, pele kucita bululami akuyanda luzyalo akweena cakulibombya a-Leza wako.

—Mika 6:8b

Amusalale, nkaambo ndasalala mebo nde-Jehova Leza wanu.

—Levitiko 19:2b

Yanda Jehova Leza wako amo-yo wako wonse, amuuya wako wonse, anguzu zyako zyoonse amiyeeyo yako yoonse, amunamu-zyaanu mbuli mboliyanda omwi-ni.

—Luka 10:27b

Ulizi milazyo, iiti, Utajayi, Uta-citi bumambi, Utabbi, Utapi mu-ntu kaambo cakubeja, Utalidi bee-

nzinyoko, Kolemeka uso abanyoko.

—Marko 10:19

Alimwi mutakozyanizigwi azi-yanza zyaciindi ecino, pele amusa-duke kukucitululwa kwamyoyo yanu.

—Ba-Roma 12:2a

Eli ibbuku lyamulao talyeelede kutantamuka kumulomo wako, pe, uleelede kubika miyeeyo yako kulindilyo lyoonse buyo, isikati a-masiku, cuti ubambe kabotu ma-kani oonse aalembedwe mumo, nkaambo kucita obo nkukuko-nyza kubotya inzila yako akukule-tela coolwe.

—Joshua 1:8

Amube alusyomo Iwakuli-Leza.

—Marko 11:22b

Nkuzili zintu zili musanu acimwi Jehova nzyasulide, azintu zili musanu azibili zimusesemya: meso aakulisumpula, lulimi lwakubeja, amaanza aatila bulowa bwaabobo batakwe mulandu, moyo uuyeeya makanze aabubi, maulu aazuzaanina kububi, kamboni sikubeja uuyooya zyabubeji, amantu uubusya inkondo akati kababunyina.

—Tusimpi 6:16-19

Nkaambo mebo nde-Jehova ndayandisya lubeta lubotu, ndasula kubba abubi.

—Isaya 61:8a

Pele bakandu abatasyomi abasesemyi abajayi abasibwaamu a-

balozi abakomba mituni ababeji, boonse bayoopegwa lukono lwabo muziba liyaka mulilo asulufa, ndilyonya ndolufu lwabili.

—Ciyubunuzyo 21:8

Nkaambo kako amucenjele, kutabi umwi uucitila mukaakwe mutaanzi calweeno, nkaambo kulekana ndikusulide, mbwaamba Jehova.

—Malaki 2:15b, 16a

Mutayeeyi bubi umwi aumwi kumweenzinyina mumyoyo yanu, alimwi mutayandi zikonkezyo zyakubeja. Nkaambo nzezintu ezi nzensulide, mbwaamba Jehova.

—Zekariya 8:17

12 BANTU BALABULIZYA MUZINTU NZYAYANDA LEZA

Pele ndilimuzi, kuti tamujisi lu-
yando lwa-Leza mulindinywe.
—Johane 5:42

Kufumbwa muntu uutobela mi-
lao yoonse, pele alubya cintu co-
mwe, ulijisi mulandu kuliyoонсе.
—Jakobo 2:10

Mpawo ndakaamba kuti, Maa-
we mebo! Ndanyonyooka! Nkaa-
mbo ndi muntu uusofweede kumi-
lomo, alimwi ndikede akati kaba-
ntu basofweede kumilomo, lino
meso aangu alibwene Mwami Je-
hova wamakamu. —Isaya 6:5

Lino oyo uuzi kucita kabotu, ne-
kubaboobo taciti, wabisya.
—Jakobo 4:17

Mbuli mbukulembewe kuti,
Taakwe uululeme pe, naba omwe.
—Ba-Roma 3:10

Nkaambo boonse babisya aku-
lela kubulemu bwa-Leza.
—Ba-Roma 3:23

Umwí aumwi uutaciti bululami
tali wa-Leza, naba oyo uutayanda
mweenzinyina. —1 Johane 3:10b

Toonse twapambuka mbuli i-
mbelele ziswekede, twatola umwi
aumwi inzila njayanda mwini.
—Isaya 53:6a

Ino nguni uukonzya kuliimika
kubusyu bwa-Jehova oyu Leza
uusalala? —1 Samuele 6:20b

Ndazumina kuti bali abusungu kumakani aa-Leza, pele busungu mbubajisi teensi bwaluzibo. Nkaambo kabatezi bululami bwa-Leza, pele bakali kusoleka kwiimika bululami bwabo beni, nciceeco ncibatakaima kulibombya kubululami bwa-Leza. —Ba-Roma 10:2, 3

Toonse twaba mbuli uusofweede. Incito zyesu ziluleme zyoonse zyaba mbuli cisani cisofweede ci-nunka nsu. —Isaya 64:6a

Ndaambila mululami kuti ncabeni uyoopona, nekubaboobo na wasyoma bululami bwakwe akutalika kucita bubi, milimo iiluleme yoonse njaakacita tiikooyoooyee-

yegwa limbi pe; uyoofwa mububi bwakwe mbwaacita.

—Ezekiele 33:13

Basinyama tabakonzyi kubotezya Leza pe. —Ba-Roma 8:8

Lino kulibwenekede kuti taakwe muntu uukonzya kululamikwa kumilimo ya-Mulao, ikuti: Uululeme unoopona kulusyomo.

—Ba-Galatiya 3:11

Nkaambo kakuti kumilimo ya-Mulao taakwe muntu naba omwe uukonzya kululamikwa kumeso aakwe. —Ba-Roma 3:20a

Teensi kwaamba kuti swebo tulazulila kubeteka makani tubeni, pe, pele buzulizi bwesu buzwa kuli-Leza. —2 Ba-Korinto 3:5

Mbuboobo cibi mbucakanjila munyika kumaanza aamuntu o-mwe buyo, alwalo lufu nkaambo kacibi, nkabela mbubonya obo lufu mbulwakazida bantu boonse, nkaambo kakuti boonse babisya.

—Ba-Roma 5:12

Eno zisusi zyamita buyo, zilazyala zibi, azyalo zibi zyakomena zilatumbuka lufu. —Jakobo 1:15

Muntu uubisya ngonguwe uu-yoofwa. —Ezekieli 18:20a

Pele milandu yanu njeyamwaa-ndaanya a-Leza wanu, azibi zyanu nzezyamusisila busyu bwakwe, a-boobo taswiilili. —Isaya 59:2

Uuimvwi nji mubululami ulajana buumi, pele uutobela bubi bulamutola kulufu. —Tusimpi 11:19

Mbuboobu mbwaamba Leza, Ino nkaambonzi mwasotoka milazzo ya-Jehova? Nciceeco cimukasya kujana coolwe. Mbubonya mbumulekede Jehova, walo wamuleka anywebo.

—2 Makani 24:20b

Nkaambo kakuti kupapa ncintu comwe akulowa, akasampusampu ncintu comwe akukomba zikozano azintu zitakwe milimo. Webo wasampaula majwi aa-Jehova, nkaambo kako alakwe Jehova wasampaula nduwe.

—1 Samuele 15:23a

Leza ngumubetesi uululeme,
Ngu-Leza uukalala mazuba oonse.

—Intembauzyo 7:11

Jehova tafwambi kunyema, ali-
mwi inguzu zyakwe nzipati. Ta-
kooyoolulamika abuniini babisya.

—Nahumu 1:3a

Nkikaambo kazintu ezi nkibuzi-
da bukali bwa-Leza kubana bat-
mvwi.

—Ba-Kolose 3:6

Nkaambo bukali bwa-Leza bu-
zwa kujulu buli mukuyubunwi-
dwa kamikami akutalulama koo-
nse kwabantu basinkila buswini
kukutalulama kwabo.

—Ba-Roma 1:18

Bazule kutalulama, abwaamu,
abubi, abutavu; akuzula ibbivwe,

abujayi, alukazyanyo, alweeno, a-
lusulo; akuba bajubi, bavwiyi, ba-
sesemya Leza, basikasampusa-
mpu, basikulisumpula, basiku-
bwanta, basikulenga bubi, batale-
meki bazyali, batakwe manjezee-
zya, bajaya cizuminano, batakwe
luzyalo, basincenyena, bateeteleli.
Aba bantu balizi lubeteko lwa-Le-
za lwakuti abo ibacita milimo iili
boobo baleelede kufwa, nekuba-
boobo tabaciti njiyo luzutu pele a-
limwi abo baicita balabakondele-
lwa.

—Ba-Roma 1:29-32

Kulaba mapenzi amafwabi kuli-
boonse bantu bacita bubi.

—Ba-Roma 2:9a

Mbuli mbokubede kuti bantu kabanga kabafwa lweendo lomwe, elyo babetekwe. —Ba-Hebrayo 9:27

Mpawo ndakabona bafu boonse, bapati abaniini, baliimvwi kuenembo ly-a-Leza, elyo mabuku akavununwa, alimwi kwakavununwa ibbuku limwi, ndebbuku lyabuumi. Nkabela bafu bakabeteckwa mbuli makani aalembedwe mumabuku, mbuli milimo yabo. Nkabela umwi aumwi iwatakajana wa izina lyakwe mubbuku lyabuumi wakasowelwa muziba lyamulilo. —Ciyubunuzyo 20:12, 15

Cilayoosya kuwida mumaanza aa-Leza muumi. —Ba-Hebrayo 10:31

Ndamwaambila kuti, ijwi isa-

mpu limwi alimwi ndibaamba bantu bazoobetekwa andilyonya mubuzuba bwalubeta. —Matayo 12:36

Nkaambo Leza uyoobeteka milimo yoonse, amakani oonse aasisidwe, naaba mabotu naaba mabi. —Mukambausi 12:14

Mbuboobo mbukuzooba kumanino aaciindi. Baangelo bazoo-sika, bazoosalala babi kuzwa kubaluleme, elyo bazoobasowela mubbila lyamulilo, oko kuzooba kulia akuluma ntwin.

—Matayo 13:49, 50

Uyoobeteka luwa cakululama, abamasi calusyomo lwakwe.

—Intembauzyo 96:13b

Meso aa-Jehova ali koonse koonse, alalanga basizibi ababotu boonse.

—Tusimpi 15:3

O Jehova, ulandilingula, ulindizi. Ulizi kukala kwangu akubuka kwangu, ulibwene miyeeyo yangu niili kule. Kweenda kwangu akona kwangu, zyoonse ulazilingula. Ulizi inzila zyangu zyoonse. Nkaambo taakwe ijwi lyalulimi lwangu ndotezi loko, O Jehova.

—Intembauzyo 139:1-4

Nkaambo Jehova talangi mbuli mbwalanga muntu pe. Muntu ulabona busyu buyo, pele Jehova ulabona moyo.

—1 Samuele 16:7b

Nkaambo meso aangu alibwene inzila zyabo zyoonse. Tabasisidwe

kulindime pe, ayalo milandu yabo tiivumbilidwe kumeso aangu.

—Jeremiya 16:17

Iwakasimpika kutwi, sa taswili? Iwakabumba liso, sa taboni?

—Intembauzyo 94:9

Takukwe cintu cakalengwa ici-tabwenekede mumeso aakwe, pele zyoonse zilivumbulwidwe, zili antangalala, kulinguwe oyo ngutujisizi makani.

—Ba-Hebrayo 4:13

Nkaambo meso aa-Leza ali kumuntu; ulalanga ntaamo zyakwe zyoonse. Taakwe mudima, na cenzule calufu, babi nkobakonzya kuyuba.

—Jobu 34:21, 22

Sa cilandibotela kuti sizibi a-fwe? mbwaamba Mwami Jehova. Sa nsiyandi kuti aleke inzila yakwe akupona? —Ezekieli 18:23

Pe, ndamwaambila kuti mwatasanduka muyoofwidilila anywebo nyoonse. —Luka 13:3

Uusisa milandu yakwe takoo-yooba acoolwe pe, pele oyo uulyaambawida akuleka ulafwidwa luzyalo. —Tusimpi 28:13

Nekubaboobo alino mbuboobu mbwaamba Jehova. Amupiluke kulindime camoyo woonse, cakuliimya kulya acakulila acakoomoka. Amudeluule myoyo yanu, mu-

tadeluuli zyakusama zyanu zilike. Amupiluke kuli-Jehova Leza wanu, nkaambo ngusiluse, ngusiluzyalo, tafwambi kukalala, ulizwiide buuya. —Joeli 2:12, 13a

Amubweze majwi, mupiluke ku-li-Jehova, mumwaambile kuti, Kotulekelela milandu yesu yoonse, kotutambula caluzyalo.

—Hosea 14:2a

Ulabaimbila bamwi kuti, Nda-kabisya, . . . Wakanununa muuya wangu kulufu, wazumizya buumi bwangu kuti bubone mumuni alimwi. —Jobu 33:27, 28

Amuyandaule Jehova naacijani-ka. Amumukwiilile naacili afwii-fwi. Sizibi aleke inzila yakwe, asi-milandu aleke miyeeyo yakwe. A-boole kuli-Jehova, kuti amufwide luzyalo, akuli-Leza wesu, nkaa-mbo nguuinda kulekelela.

—Isaya 55:6, 7

Jehova uli afwaafwi kubawizu-kide mumoyo, ulafutula batete myuuya. —Intembauzyo 34:18

Kuti baleke umwi aumwi inzila yakwe yabubi, aboobo njooko-nzya kubalekelela . . . zibi zyabo.
—Jeremiya 36:3b

Mpoonya awo ndakalyaamba-

wida cibi cangu kulinduwe, tee-ndakasisa bubi bwangu; ndakati, Nkondyaambawide milandu ya-nagu kuli-Jehova, nkabela waka-nidlekelela mulandu wazibi zya-nagu.

—Intembauzyo 32:5

Kuti twalyaamba zibi zyesu, walo ulasyomeka akululama, u-latulekelela zibi zyesu akutusala-zizya zitaluleme zyoonse.

—1 Johane 1:9

Aboobo amweempe, musandu-ke, kuti zibi zyanu zijatilwe.
—Incito 3:19a

Kweempwa caamba kuleka cibi aku-lyaamba kuli-Leza.

20 CITUUZYO CIYANDIKA KUTUYANZANYA KULI-LEZA

(Cibi cileta Iwaandano, ipeje 14.)

Abike ijanza lyakwe amutwe wacituuzyo, lino cilatambulika kumanya milandu yakwe. Nkaambo mubulowa mobubede buumi bwanyama, alimwi mbombubo mbondimupede acipaililo kuti bumanye milandu yanu, nkaambo bulowa mbobumanya milandu nkaambo kabuumi.

—Levitiko 1:4; 17:11

Ncobeni tulakonzya kwaamba kuti, mumakani aa-Mulao bulowa mbobusalazyu zintu zyoonse buyo, alimwi takukwe kulekelelwa kwazibi mane do kukutila bulowa.

—Ba-Hebrayo 9:22

Kabelele kanu kaleelede kuba kagutu kamwaka omwe katakwe kampenda . . . Nkabela bulowa buyoomubeda citondezyo mumanda momubede. Ndabona buyo bulowa, ndaindilila, aboobo tamukooyoosikilwa luumo lwakumunyonyoona. —Kulonga 12:5a, 13a

Lino Abrahamu wakavuwa kuti, Leza mwini ulalibambilika kabelele kakupaizya, mwanaangu . . . Mpawo Abrahamu wakatambya meso aakwe, wabona mugutu ulipatide muciteo ameja aakwe. Nkabela Abrahamu wakaya, wajata oyoyu mugutu, wamutuula mbuli cituuzyo mucibaka camwanaakwe.

—Matalikilo 22:8a, 13

Lino Jehova walemezya nguwe milandu yesu toonse. Wakapenzen-gwa akufwiinsigwa, nekubaboo-bo taakwe naakabbanuna mulomo wakwe abuniini. Wakeenzegwa mbuli kabelele kaya kukujayigwa, ambuli imbelele iiumuna mumaa-nza aasikugela, mbubonya alakwe takajulidwe mulomo wakwe.

—Isaya 53:6b, 7

Nkabela taakwe naakatola bu-lowwa bwampongo nobuba bwa-jombe, wakatola bulowa bwakwe mwini, eno wakaindilila akunjila komwe luzutu mu-Busena Busala-lisya cakwiinda aboobo wakaleta lununuko lutamani. Mbubonya obo awalo Kristo, (waka)lituula

komwe ukuyumuna zibi zyabanji-banji. —Ba-Hebrayo 9:12, 28a

Nkaambo mulizi kuti teensi zi-ntu zikulumpala, mbuli insiliva niiba ingolida, nzimwakanunu-zigwa . . . (pele) abulowa buyandisi mbuli bwamwanambelele uutajisi akampenda nanka kabala, nkoku-ti bulowa bwa-Kristo.

—1 Petro 1:18a, 19

Sena inga bwalo bulowa bwa-Kristo, uwakalituula mwini kuli-Leza mu-Muuya Uutamani mbuli cipaizyo citakwe kampenda, tabu-kooinda kusalazyza meezeozyo aa-nu akumugwisizya milimo mifu, kuti mumumanine milimo Leza muumi? —Ba-Hebrayo 9:14

Pele balalulamikwa buyo kulyalo lwakwe kubununu bwamuli-Jesu Kristo. Walo nguwe ngwaa-kabika Leza kuti abe mulungo, cakulusyomo lwamubulowa bwa-kwe.

—Ba-Roma 3:24, 25a

Pele Leza, walo ulatondezya lu-yandisyo lwakwe kulindiswe boo-bo, nkaambo nitwakacili basizibi Kristo wakatufwida. Nkabela lino mbutwalulamikwa kubulowa bwa-kwe, mulinguwe alimwi mututi in-de loko kufutulwa kubukali.

—Ba-Roma 5:8, 9

Pele tulizi kuti teensi milimo ya-Mulao iilulamika muntu, ndusyomo lwa-Kristo Jesu lumululami-ka, nkabela aswebo twakasyoma

Kristo Jesu kuti tululamikwe boo-bo.

—Ba-Galatiya 2:16a

Nkaambo kakuti luzyalo ndolu-mufutisizye nkaambo kalusyomo, nkabela makani taazwi kulindi-nywe nubeni, ncipo buyo cizwa kuli-Leza. Teensi makani aancito zyesu, pe, kuti kutabi muntu uuli-kankaizya.

—Ba-Efeso 2:8, 9

Basinsimi boonse balasinizya a-nguwe kuti boonse abamusyoma balajatilwa zibi muzina lyakwe.

—Incito 10:43

Takukwe lufutuko kuluumbi naba omwe pe, nkaambo takukwe zina limbi ansi ilipegwa bantu, ndotweelede kufutulwa andilyo.

—Incito 4:12

... Leza wakatuma angelo Gabriyeli kuya kumunzi waku-Gallaya, uutegwa Nazareta, kumusimbi uwakatangidwe kumwaalumi uwali kutegwa Josefa, weñanda ya-Davida, izina lyamusimbi wakali Mariya ... Angelo wakamwambila kuti, Utayoowi, Mariya, wajana luzyalo kuli-Leza. Langa, ulamita, uzootumbuka mwana mulombe, ngozooulike zina ly-Jesu. Unoozooli mupati, uzoote-gwa Mwana a-Sijulu lyamajulu ... bwami bwakwe tabukoo-yoomana. Mariya wakati kulin-angelo, Ino oku kuzooba buti neentazi amwaalumi pe? Angelo wakamuwuwa kuti, Muuya Uusalala

uzooza alinduwe, enguzu zya-Siju-lu lyamajulu zikuvunikile, ayooyo Uusalala uti tumbukwe uzooambwa kuti Mwana a-Leza ... Nkaambo taakwe ijwi ilizwa kuli-Leza ilibula nguzu. Mariya waka-teeti, Ndi muzike wa-Jehova me-bo, akube kulindime mbubonya mbuli kwaamba kwako. Nkabela angelo wakainka. —Luka 1:26-38

Bantu bakanjila munyika kakunyina kwiinda mukuswaangana kwamwaalu-mi amukaintu mba-Adamu a-Kristo ba-like. Adamu wakaleta cibi munyika, pele Jesu wakaleta buzundi kucibi.

Walo wakali aciimo ca-Leza, ne-kubaboobo teewakayeeya kuti nci-vuumuko kweelana a-Leza, pe. Li-no naakabonwa kuti waba aciko-zyano camuntu, wakalibombya a-kuzumina nikuba kufwa, nkukuti kufwa kwakubambulwa aciinga-no.

—Ba-Filipi 2:6, 8

Mebo a-Taata tuli umwi. Sena mwaamba oyo ngwaakasalazya Taata, akumutuma ansi kuti, Wasanka yebo, nkaambo ndati ndi Mwana a-Leza? —Johane 10:30, 36

Jesu Kristo, Ijwi litamani, wakaliwo lyoonse. Kwiinda *mumaleele* Leza wakacita kuti amitwe mwida Iya-Mari-ya. Munyama utegwa Mwana a-Mu-

ntu, alimwi mumuuya utegwa Mwana a-Leza. Malembe abelesya ibbala "Mwana" kupandulula luswangano lu-liko akati ka-Leza a-Jwi lyakwe — Jesu Kristo.

Nciceeco ncaambila bobuya naboola ansi kuti... Pele mubili ngowandibambilila.

—Ba-Hebrayo 10:5

Wakabikwa mbuli Mwana a-Leza anguzu a-Muuya Uusalala ku-kubusigwa kubafu.

—Ba-Roma 1:4a

Tomaso wakamuwuwa kuti, Omwami wangu, Leza wangu.

—Johane 20:28

Ncobeni takukwe uukonzya kuzanya kuti makani aasisidwe abukamboni mapati loko. Oyo (Leza) wakabonwa mumubili wabantu.

—1 Timoteo 3:16a

Nkaambo iswe twazyalilwa mwana, twapegwa mwana mulombe. Bweendelezi buyookala azifunzi zyakwe. Nkabela izina lyakwe liyooambwa kuti, Sinkuta ugambya, Leza Singuzu, Tateesu Uteeeli, Mwami waluumuno.

—Isaya 9:6

Jesu wakabaambila kuti...
Abrahamu katanazyalwa mebo
mpendi.

—Johane 8:58

Mulinguwe momwakali buumi,

buumi obu wakali Mumuni wabantu. Walo ngo-Mumuni mwini-mwini uumunikila bantu boonse abazyalwa ansi ano. Wakaliwo ansi, inyika yakaanzwa nguwe, pele inyika tiikamuzibide.

—Johane 1:4, 9-10

Nkaambo kuliide Leza omwe lutzutu, alimwi kuli sikuyanzanya omwe uuli akati ka-Leza abantu, ngumuntu Kristo Jesu, uwakalisanga mwini kuti anunune bantu boonse.

—1 Timoteo 2:5, 6a

Mumwanaakwe oyo mutujene lununuko abulekelelo bwazibi. Ngonguwe cikozyano ca-Leza uitabonwi.

—Ba-Kolose 1:14, 15a

Nkaambo teensi luyando Iwamuntu lwakaleta businsimi kalekale, pe, pele bantu ba-Leza bakaamba mbobakasungulwa Muuya wa-Leza.

—2 Petro 1:21

(Mbubonya mbwaakaamba kumilomo yabasinsimi bakwe abasalala, kuzwa kumatalikilo.) Kuzibya bantu bakwe lufutuko mukujatilwa kwazibi zyabo.

—Luka 1:70, 77

Muuya wa-Jehova wakaamba mulindime, majwi aakwe akali alulimi lwangu.

—2 Samuele 23:2

Nkabela aya majwi ngendamu-lailila buzuba obuno abe amyoyo yanu.

—Deuteronomo 6:6

Magwalo aya oonse akazwa ku-li-Leza, alikondede kukufundisya akukulaya, akukuolola akukupandulula makani aabululami.

—2 Timoteo 3:16

Nkaambo makani aali booboo aa-kalembwa kalekale, nkukwiya kwesu nkwaakalembelwa, kuti kubukakatilo akubukombelezyo bwamalembe tujane bulangizi bwakutontozya moyo.

—Ba-Roma 15:4

Mwalyeena. Tamuzi magwalo niziba inguzu zya-Leza.

—Matayo 22:29b

Nkaambo wakomezya ijwi lyako kwiinda zintu zyoonse.

—Intembauzyo 138:2b

Nkabela cikobela ncaakasamide cakanikidwe mubulowa. Izina lyakwe litegwa Ijwi ly-a-Leza.

—Ciyubunuzyo 19:13

Kumatalikilo Ijwi wakaliko, awalo Ijwi wakali antoomwe a-Leza, eno Ijwi oyo wakali Leza. Awalo Ijwi wakalifungula waba mubili wabuntu uwakakalakala akati kesu.
—Johane 1:1, 14a

Jesu uyubununa Leza

Leza wakaamba kuti, Mumuni ulamunikila mudima, nkabela nguwenya Leza wakamunika mumoyo yesu kukumunikila bantu akubazibya mbububede bulemu bwa-Leza buboneka mibusyu bwa-Kristo.
—2 Ba-Korinto 4:6

Takukwe muntu uwakabona Leza neciba ciindi comwe, pele Mwana, simuzyalwa alike, uukede acamba ca-Wisi, ngowakatwaambila aanguwe.
—Johane 1:18

Leza waambaula kwiinda muli-Jesu

Kuciindi cakalekale Leza wa-kaambila bamatata mubasinsimi ubucebuce akuziyanza zinjizinji, pele kumamanino, sunu, cino ciindi watwaambila mu-Mwanaakwe, ngwaakasala kuti abe ngomukamwini wazintu zyoonse, alimwi kulinguwe wakaanza zintu zyoonse.
—Ba-Hebrayo 1:1, 2

Ndaamba zintu nzendakabona antoomwe a-Taata.
—Johane 8:38a

IBbaibele ncilyo camuuya

Malailile aakwe alakalilila mu-moyo wangu, (alayandika kwiinda insima yangu). —Jobu 23:12b

Teensi insima ilike njaaponena muntu, ulaponena amajwi oonse aazwa kumulomo wa-Leza.

—Matayo 4:4b

Wabota mucanka wamajwi aako! Alanona kwiinda buci mumulomo wangu!

—Intembauzyo 119:103

IBbaibele limunika nzila yesu
Ijwi lyako ndilampi kuzituta zyan-gu, lilamunikila inzila yangu.

—Intembauzyo 119:105

Kupandulula majwi aako kula-

munikila, kulasongwaazya batezi.
—Intembauzyo 119:130

Jesu ninsima iizwa kujulu

Ndime nsima ngumi iyakazwa kujulu, na muntu wiilya nsima eyi unooli muumi lyoonse, alimwi i-nsimia njenti pe ngomubili wangu, kuti inyika ibe abuumi. Ndime nsima yabuumi. —Johane 6:51, 48

Jesu ngomumuni wanyika

Mulinguwe momwakali buumi, buumi obu wakali Mumuni wabantu. Alimwi Jesu wakabaambila kuti, Ndime mumuni wenyika, uundicilila takooyooenda mumudima, pele uyooba amumuni wabuumi.

—Johane 1:4; 8:12

I^Bbaibele liletela buumi buzyala micelo

Pele ulakondelelwa Mulao wa-Jehova, amulao wakwe ulauyeeya lyoonse masiku asikati. Uyooba mbubonya mbuli musamu uuziki-dwe kumbali atulonga twamaanzi, uuzyala micelo yawo kuciindi ceelede, uujisi matu aatayumi.

—Intembauzyo 1:2, 3a

Jesu upa buumi buzyala micelo

Amukalilile mulindime, amebo mulindinywe. Ndime cisiko, nywe-bo muli mitabi. Uukalilila mulindime, amebo mulinguwe, walo ulazyala micelo minjiminji, nkaambo mwaanzaana amebo tamuko-nzya kucita cintu.

—Johane 15:4a, 5

MALEMBE AAMBA MAKANI AA-JESU KRISTO

Mulalangisya Magwalo nkaambo mweezeezya kuti mulijisi buumi ubutamani mulingao, ngangao aandilungulula. Nkaambo nemwalizumide Musa, nemwanzumina amebo, nkaambo wakale-

mba ndime. —Johane 5:39, 46

Elyo kuzwida kuli-Musa akuba-sinsimi boonse, wakabapandulwi-da makani aamu-Magwalo oonse aamwaamba lwakwe mwini.

—Luka 24:27

Lyoonse, O Jehova, Ijwi lyako
lilijatilide kujulu. Mitwe yamajwi
aako ndusinizyo. Imbeta zyako zi-
luleme zilakalilila lyoonse.

—Intembauzyo 119:89, 160

Bwizu bulanyana, malubaluba
alapusama, pele majwi aa-Leza
wesu ayoobedeleta. —Isaya 40:8

Ijulu anyika zyoonse zilakonzya
kumana, pele tacikonzeki kuti ka-
mane kabala nikaba komwe nika-
ba kazila komwe kamu-Mulao ma-
ne lumwi zintu zyoonse zikacitwe.
—Matayo 5:18b

Magwalo takonzya kususigwa.
—Johane 10:35b

*Muntu taelede kusinta
IBbaibele*

Zintu zyoonse nzendamulailila,
amucenjele kuti muziswiilile. Mu-
tayungizizyi cintu nekuba kugwi-
syia cintu. —Deuteronomo 12:32

Utayungizizyi kumajwi aakwe,
kuti utatapatilwi akuba mbuli
mubeji. —Tusimpi 30:6

Nkabela anooli muntu uyoogwi-
syia cintu kumajwi aabbuku lya-
businsimi obuno, Leza uyoogwi-
syia lukono lwakwe mubbuku lya-
buumi. —Ciyubunuzyo 22:19a

Uusampaula makani ulaliletela
lunyonyooko. —Tusimpi 13:13a

LUFU LWA-JESU LWAKAZUZIKIZYA MUZEEZO WA-LEZA

31

Taata ncandiyandila, nkaambo nditula buumi bwangu, kuti nka-bubweze alimwi. Takukwe uundi-nyanga mbubo, pele ndabutula ndemwini. Ndijisi bwami bwaku-butula, alimwi ndijisi bwami bwa-kububweza. —Johane 10:17, 18a

Jesu wakamuwuwa kuti, Nowatakegwaa bwami kuzwa kujulu, nowatalijisi nguzu kulindime.

—Johane 19:11a

Ino sa tamuyeeyi kuti nsikonzyi kukumbila kwa-Taata kuti andi-tumine lino lino malegioni aainda ikumi aabili aabaangelo. Pele kwaba boobo, alalondolwa buti

magwalo aamba kuti kweelede ku-ba boobu? —Matayo 26:53, 54

Pele Leza wakazyulizya oko nkwaakaambide amilomo yabasi-nsimi boonse, kuti Kristo wakwe uleelede kupenga. —Incito 3:18

Walo wakaabwa, mbubonya mbuli Leza mbwaakakanzide aku-ziba, nywebo mwakamubambu-zya akumujazya maanzaaabata-kwe mulao. —Incito 2:23

Pele lukanze lwa-Jehova ndolwakamuma. Ngonguwe iwaka-mupenzya. Naazoolituula mbuli cipaizyo cakumanya milandu ya-bantu. —Isaya 53:10a

32 LUFU LWA-JESU LWAAMBILIZIGWA ABAKAMBO

Nkabela antoomwe anguwe kwakabambulwa bafumpi bobile, umwi kululyo, aumwi kucimwensi. Nkabela kwakazyulilwa oku ukwakalembwa kwakuti, Wakanbalilwa kulibacitazibi.

—Marko 15:27, 28

Lino kuzwa kuciindi casikati kusikila nilyaungaunga, kwakaba mudima anyika yoonse. Nkabela Jesu wakoongolola lwabili ajwi ipati, elyo wakafwa. . . . Alimwi nyika yakazungaana, ayalo myala yakaanduka. Lino silutwe ambaakali abo mukulangilizya Jesu, nibakabona muzuzumo wanyika aa-mwi makani, bakayoowa loko, baamba bati, Ncobeni oyu muntu

kali Mwana a-Leza.

—Matayo 27:45, 50-51, 54

Nkaambo kaako basinkondo baki-sika, bazootyolaula maulu aamutaanzi, aaumwi wabaabo abakabambwidwe awalo. Pele nobakasika kuli-Jesu, bakabona kuti ulifwide kale, tabakamutyolawide maulu aakwe. Nekubaboobo umwi wabasinkondo wakabweza sumo, wakamuyasa kubbazu, ndiyonya kwakazwa bulowa amaanzi. . . . Nkaambo zintu ezi zyakacitwa kuti Magwalo azyulile aamba kuti, Cifuwa cakwe neciba comwe tacikooyootyolwa. Ali-mwi . . . Bayoomulangilila ngobayaside.

—Johane 19:32-37

Pele Leza wakamubusya, wa-mwaangulula kumapenzi aalufu, nkaambo taakwe lwali kukonzya kuti lumujate. Oyu Jesu Leza wa-kamubusya, swebo toonse tuli ba-kamboni bamakani aya.

—Incito 2:24, 32

Eno mbubonya bana mbobaabi-lwa mibili abulowa, awalo mwini mbubonya wakasangana, kuti ku-kufwa kwakwe akamwaye oyo uu-jisi nguzu zyalufu, nkokuti Saata-ni, alimwi kuti akabavune boonse abo abakavubidwe buzike mucii-ndi coonse cabuumi bwabo, nkaa-mbo kakuyoowa lufu.

—Ba-Hebrayo 2:14, 15

We, lufu! luli kuli luzundo lwa-ko? We, lufu! luli kuli lumoola lwako? Pele tulalumba Leza ikuti ulatupa luzundo kunguzu zya-Mwami wesu Jesu Kristo.

—1 Ba-Korinto 15:55, 57

Ndime oyu uupona, nekubaboo-bo ndakalifwide. Lino amubone, a-kupona ndapona lyoonse mane kukabe kutamani, nkabela ndijisi zjaluzyo zyalufu azya-Gehena.

—Ciyubunuzyo 1:18

Pele sunu lwalibonya mukupo-mpa kwa-Mufutuli wesu Kristo Jesu, nguwenya wakazoolobya lu-fu akuyubulula buumi butafwiki kunguzu zya-Makani Mabotu.

—2 Timoteo 1:10

Bona, ndiimvwi kumulyango, ndakonkomona. Na kuli muntu uuswiilila ijwi lyangu akundijulila mulyango, nzoanjila mulinguwe, nkalalile awe, alakwe ambebo.

—Ciyubunuzyo 3:20

Pele oyo uutabeleki, pele ulasyoma sikululamika basizibi, kulyooyo lusyomo lwakwe lulambwa mbuli bululami.

—Ba-Roma 4:5

Amutambule Muuya Uusalala. . . Amukumbile, muyoopegwa, kuti kukondwa kwanu kuzyulile.

—Johane 20:22b; 16:24b

Anooli wazumina kumulomo kuti Jesu ngu-Mwami, akusyoma

mumoyo wako kuti Leza wakamu-busya kubafu, noti kafutuke.

—Ba-Roma 10:9

Lino Jesu wakaambila basikwii-ya bakwe wati, Kuti muntu kaya-nda kunditobela, aliimye, abweze ciingano cakwe elyo ulanditobela. Nkaambo umwi aumwi uuyanda kuliyweda buumi bwakwe uzoo-busweekelwa, pele umwi aumwi uusweekelwa buumi bwakwe nkaambo kandime uzoobujana.

—Matayo 16:24, 25

Nkabela mbuli mbumuli bakwe Kristo, muli inyungu zya-Abraha-mu, aboobo muli baswaana mbu-bonya mbucaamba cisyomezyo.

—Ba-Galatiya 3:29

Leza wakatupa buumi butamani, obu buumi buli mu-Mwana wakwe. Oyo uujisi Mwana ulijisi buumi, pele oyo uutajisi Mwana wa-Leza tajisi buumi, pe.

—1 Johane 5:11b, 12

Pele Leza, Sibuuya loko . . . ne-kuba kuti twakalifwide mumilandu, wakatubusya toonse antoomwe a-Kristo (luzyalo ndomufutuzidwe).
—Ba-Efeso 2:4, 5

Ndibambwidwe aciingano antoomwe a-Kristo, nkabela endime encipona, ngu-Kristo uundiponena mukati. Buumi bwanyama mbunjisi sunu mbwalusyomo, ndusyomo luli mu-Mwana a-Leza.
—Ba-Galatiya 2:20a

Nkaambo Mulao wamuuya wabuumi bwamuli-Kristo Jesu wandalilubula kumulao wazibi awalufu.
—Ba-Roma 8:2

Aboobo kuti muntu waba muli-Kristo, waba mulenge mupya. Zintu zikulukulu zyamaninina, zyoonse zyaba zipya.

—2 Ba-Korinto 5:17

Nkaambo oko kuzyalululwa nkumuzyalulwidwe takweensi kwambuto iifwika, pe, nkwambuto iitafwiki, nkokuti makani aa-Leza maumi aakalilide. Amuko-zye mbuli bavwanda kukuyandsya mukupa wamuuya uutavwelwi acintu, kuti mukomene anguwo mulufutuko.
—1 Petro 1:23; 2:2

Wisaabo bamucaala, uubeteka bamukabafu, mbwabede Leza mucikalilo cakwe cisalala.

—Intembauzyo 68:5

Pele nduwe tateesu, O Jehova. Ndiswe bulongo, nduwe mubumbi wesu. Toonse tuli zilenge zyamaanza aako. Nduwe tateesu, O Jehova. Munununi wesu wakale ndizina lyako. —Isaya 64:8; 63:16b

Nkabela oko nkubakaambilwa kuti, Tamweensi bamukowa wangu, nkukonya nkabayooambwa kuti mbana ba-Leza muumi.

—Hosea 1:10b

Lino mbuli mbumuzi kupa bana

banu zintu zibotu, inywe nubabi, alakwe Usowanu uuli kujulu sa tazooindi loko kupa zintu zibotu kulibaabo bamukumbila? Mbuboobu mbumweelede kukomba: —Taateesu ooli kujulu, alilemekwe izina lyako. —Matayo 7:11; 6:9

Nzoomutambula, nzoomubeda mbuli Usowanu, anywebo muzoondibeda bana bangu baalumi abanakazi. Mbuboobo mbwaamba Jehova Singuzuzyoonse.

—2 Ba-Korinto 6:17b, 18

Nkaambo boonse beenzegwa ku-Muuya wa-Leza mbabonya mbi-bana ba-Leza. —Ba-Roma 8:14

KWIINDA MULI-JESU TULIMUZI LEZA KUTI NGO-TAATA

37

Jesu wakamwaambila kuti, Ndi-me nzila, ndime bwini, ndime buu-mi. Takukwe uuza kuli-Taata, pe-le mulindime. Kuti nomwali ku-ndizi, nomumuzi awalo Taata, pe-le katalika sunu mulimuzi, muli-mubwene. Na muntu ulandiyanda unoobamba ijwi lyangu, awalo Taata ulamuyanya, tulasika kuli-nguwe, tukakale awalo.

—Johane 14:6, 7, 23b

... Leza wakatuma Mwanaa-kwe ... kuti tukatambule bwana. Lino mboli mbumuli bana, Leza wakatuma Muuya wa-Mwanaa-kwe mumyoyo yanu, uuompolola kuti, Abba, Ta. Aboobo sunu tocili muzike, pe, uli mwana muzyale.

Alimwi mboli mboli mwana mu-zyale, ncobeni Leza wakucitya ku-ti ube swaana. Nkaambo nyoonse muli bana ba-Leza nkaambo kaku-syoma Kristo Jesu.

—Ba-Galatiya 4:4-7; 3:26

Ino boonse abamuzumina, nkoku-ti abasyoma zina lyakwe, wa-baabila nguzu zyakusanduka aku-ba bana ba-Leza. —Johane 1:12

Na muntu ulabisya, tulijisi si-kutwaambilila kuli-Taata, ngu-Jesu Kristo mululami.

—1 Johane 2:1b

Nkaambo mulinguwe toonse to-bile mutujene lusweno mu-Muuya omwe kuli-Taata. —Ba-Efeso 2:18

38 JESU ULETELA LUYANDANO, LUKONDO ALUUMUNO

Leza nduyando, aboobo oyo uukalilila muluyando ulakalilila muli-Leza, alakwe Leza ulakalilila mulinguwe. —1 Johane 4:16b

Amuusilane buuya, mukabe batete moyo, akuba aluzyalo lwaku-lekelelana milandu, mbubonya mbuli Leza mbwaakalekelela ndinywe muli-Kristo. —Ba-Efeso 4:32

Kuliceeci bantu boonse bayoomuziba, kuti muli basikwiya bangu, mwanooyandana umwi amweenzinyina. —Johane 13:35

Pele micelo ya-Muuya njeeyi:—luyandano, lukondo, luumuno. —Ba-Galatiya 5:22a

Nsileki kubotelwa muli-Jehova, noocikondwa muli-Leza walufuko lwangu. —Habakuku 3:18

Wandizibya inzila yabuumi; kubusu bwako kulizwide bukondwi; kujanza lyako lyalulyo kula-botezya lyoonse.

—Intembauzyo 16:11

Lino mbuli mbutululamikwa kulusyomo, atube aluumuno a-Leza muli-Jesu Kristo Mwami wesu.

—Ba-Roma 5:1

Ndamusiila luumuno, ndamupa luumuno lwangu, nsimupi mbuli mbwiipa nyika. Myoyo yanu itapengi nokuba kuyoowa.

—Johane 14:27

Pele kuti ulimukalilide mukati Muuya wasikubusya Jesu kuzwa kubafu, elyo oyo sikubusya Kristo kubafu ulapononosya mibili yanu mifwisi ayalo kunguzu zya-Muuya wakwe uumukalilide mukati.

—Ba-Roma 8:11

Nkabela Leza, iwakabusya Mwami, uyootubusya aswebo kunguzu zyakwe. —1 Ba-Korinto 6:14

Eno ndoolu luyando Iwa-Taata, kuti umwi umwi uubona Mwana akumusyoma, abe abuumi ubutamani, amebo ndiyoomubusya kubuzuba bwakumamanino.

—Johane 6:40

Jesu wakamwaambila kuti, Ndi-me kubuka abuumi. Oyo uusyoma

ndime, naanooli wakafwa, unooli muumi, naba uli buti muumi uu-syoma ndime, takoooyoofwa pe.

—Johane 11:25, 26a

Nkaambo mbubonya mbuli lufu mbulwakabeda ijanza lyamuntu, ndijanza lyamuntu ndibwakabeda abwalo bubuke bwabafu. Nkaambo mbuli mbubafwa boonse muli-Adamu, mbubonya obo mbubayooponezegwa boonse muli-Kristo, pele umwi aumwi kuciindi cakwe ceelede, Kristo ngukabalwe-balwe, elyo kusule bana ba-Kristo kuciindi cakuboola kwakwe.

—1 Ba-Korinto 15:21-23

Nkaambo ndi muumi, anywebo munooli baumi. —Johane 14:19b

Muntu uususya Mulao wa-Musa tausilwa, mane do ajayigwe, naba abakamboni bobile na botatwe, pe, pe, mpaansi buyo. Eno kamuyeyea, ino inga kulakomena buti kubetekwa kwayooyo uumulyataula maulu Mwana a-Leza, uutabuzyi buungu bulowa bwa-mulongo mbwaakasalazigwa abwalo, uutakwe ampuwo a-Muuya waluzyalo? Sena teelede kubetekwa akwiindilizigwa kuumwa?

—Ba-Hebrayo 10:28, 29

Oyo uundikaka, akutatambula majwi aangu, ulijisi uumubeteka, ijwi ndendakali kwaamba, ndendi-lio iliti kamubeteke mubuzuba bwakumamanino. —Johane 12:48

Ncendakamwaambila kuti, Mu-yooofwa muzibi zyanu, nkaambo mwatazumina kuti ndime yooyo, muyoofwa muzibi zyanu.

—Johane 8:24

Alimwi ndamwaambila, nobee-nzuma, mutanoobatija abajaya mibili, elyo munsi lyakooko taa-kwe ncobacikonzya kucita. Pele ndamutondezya ngomweelede kutija. Amutije oyo uujisi nguzu zyakuwaala mu-Gehena, amana kujaya. Ii, ndamwaambila, amu-mutije oyo. —Luka 12:4, 5

Ino swebo tulayokoka buti, twa-noobausya kufutuka ukukungulu-kide kulindiswe?

—Ba-Hebrayo 2:3a

Nkaambo wabika buzuba mbwati kabetekete nyika mubululami, kumwaalumi oyo ngwasungwide. Wakabapa bantu boonse cisinizyo camakani ayo mbwaakamubusya kubafu.

—Incito 17:31

Nkaambo Wisi tabeteki muntu, pele wakapa lubeteko loonse ku-Mwana, kuti boonse balemye Mwana, mbuli mbobalemya Wisi.

—Johane 5:22, 23a

Nkaambo toonse buyo tuleelede kuboneka kubetekelo lya-Kristo, kuti tukatambule umwi aumwi cakuvola ceelede camilimo yesu ... niiba mibotu niiba mibi.

—2 Ba-Korinto 5:10

Mubuzuba obo mbwazoobeteka

Leza makani aasisidweaabantu muli-Jesu Kristo. —Ba-Roma 2:16a

Kuciindi cakuyubunuka kwa-Mwami Jesu kuzwa kujulu.... antoomwe abaangelo bakwe basinguzu, abbalabala lyamulilo, nkalabela uyoobwedezya muliyano kulaabo abatamuzi Leza akutawiilila Makani Mabotu aa-Mwami wesu Jesu. Aba bayoobeteke-lwa lunyonyooko lutamani kuzwa kubusyu bwa-Mwami akubulemu bwanguzu zyakwe.

—2 Ba-Tesalonika 1:7b-9

Abaabo basinkondoma abatali kuyanda kuti ndibe mwami wabo, amubalete kuno, mubajaye kumbele lyangu.

—Luka 19:27

42 KUTALI BOONSE BALYAAMBA KUTI MBATOBELI BA-JESU MBIBAKWE

Balalyaamba kuti, Tulizi Leza,
anu kumilimo yabo balamukazya.
Mbasesemyi, batamvwi, batee-
dwe milimo mibotu nuuba omwe.

—Tito 1:16

Umwii uutajisi Muuya wa-Kristo,
oyu teensi wakwe pe.

—Ba-Roma 8:9b

Balakala kunembo lyako, bala-
swiilila majwi aako, pele kucita ta-
baaciti pe. —Ezekiele 33:31b

Bantu aba balandilemya amilo-
mo yabo, nekubabooobo myoyo ya-
bo ili kule ambe. —Matayo 15:8

Boonse bandaambila kuti, Mwa-
mi, mwami, teensi mbabo bayoo-

njila mu-Bwami bwakujulu, ngoo-
yo uucita luyando Iwa-Taata uuli
kujulu. Kubuzuba obo banjibanji
bayoondaambila kuti, Mwami,
mwami, sa teetwakasinsima kuzi-
na lyako? Alimwi, sa teensi kuzi-
na lyako nkutwakatanda badai-
mona? Sa teensi kuzina lyako
nkutwakacita milimo mipati mi-
nji? Lino nzoobaambila kuti, Nsi-
muzi pe, amuzwe kulindime inywe
nubamucita zibi. —Matayo 7:21-23

Mbubonya obo anywebo mbu-
mubonekela bantu mbuli balula-
mi, nekubabooobo mukati mulizwi-
de buupeupe ameso abubi.

—Matayo 23:28

Mbuboobo mbutuzi kuti tulimuzi, na kuti twabamba milazyo yakwe. —1 Johane 2:3

Njoobika Muuya wangu mukati kanu akucita kuti mweende mu-milazyo yangu akubamba imbeta zyangu. —Ezekiele 36:27

Eno mbwaakalondoka obo, wakaba sikubacitila lufutuko lutamani boonse abo abamumvwa.
—Ba-Hebrayo 5:9

Nkabela lino mulilubulwidwe kuzibi, mwaba bazike babululami.
—Ba-Roma 6:18

Kuti Kristo ulimukalilide mukati, elyo mubili ulifwide nkaambo kazibi, anukuti muuya muumi

nkaambo kabululami. Nkaambo mwaponya canyama, mulafwa, pele kuti kamujazya Muuya milimo yanyama, mulapona.

—Ba-Roma 8:10, 13

Nkaambo iswe tuli milimo yamaanza aakwe, twakalengelwa milimo mibotu muli-Kristo Jesu, njyo njakabambide kale, kuti tweendele mulinjiyo. —Ba-Efeso 2:10

Umwi aumwi uukululuka kuzina lya-Mwami asosololwe kububi.
—2 Timoteo 2:19b

Kwalo wakavuwa Petro abaapostolo bati, Tuleelede kumvwa Leza kwiinda bantu. —Incito 5:29

Na inyika yamusula, mulizi kuti yali kundisulide kale. Nomwali bayeeyi inyika, inyika neyali kuyanda bayo, kwalo nkaambo tamuli bayeeyi nyika, pele ndakamusala kuzwa kunyika, nkakaa-mbo ako inyika nciimusulide.

—Johane 15:18, 19

Alimwi ciindi ciyoosika kuti oyo uuti kamujaye uyoocita anga, Ndamanina Leza mulimo. Bayoomucitila zintu ezi nkaambo tabana kumuziba Taata, nemba ndime.

—Johane 16:2b, 3

Amubone mbulubede olo luya-ndo lupati ndwaakatupa Taata lwakuti tubandwe kuti mbana ba-

Leza, nkabela mbubonya obo mbutubede ncobeni. Nkaambo kaako nyika tiituzi, nkaambo ala-kwe teeyakamuzi. —1 Johane 3:1

Kumapenzi manjimanji inga tulanjila mu-Bwami bwa-Leza.

—Incito 14:22b

Ee, ncobeni boonse abo bayanda kupona cakululama muli-Kristo Jesu mbobayoopenzegwa.

—2 Timoteo 3:12

Munyika mulaba amapenzi, pele amulimbe myoyo, ndakiizunda nyika.

—Johane 16:33b

Muyoosulwa bantu boonse nkaambo kazina lyangu.

—Luka 21:17

Makataazyo aanu oonse amwaasowele kumaanza aakwe, nkaambo nguumucebuka lyoonse.

—1 Petro 5:7

Utayoowi, nkaambo ndili ayebo. Utakankami, nkaambo ndime Leza wako. Njookuyumya, njookugwasya, ncobeni njookutabilila ajanza lyalulyo lyabululami bwanju.

—Isaya 41:10

Taata abama nebandisia, Jehova ulandibamba.

—Intembauzyo 27:10

Boobo ncotulisyomaisya kuti, Jehova ngomuvuni wangu, takukwe encenjoowa. Nobaba bantu ino bandicite buti?

—Ba-Hebrayo 13:6

Na mwasampaulwa nkaambo kazina lya-Kristo, elyo muli basicoole, ikuti ndilyonya ndimukalilide Muuya wabulemu, nkokuti Muuya wa-Leza.

—1 Petro 4:14

Nkaambo ulalailila baangelo bakwe aanduwe, kuti bakubambe munzila zyako zyoonse. Nenjenda mumumpata walufu uusia mbi, nsiyowi bubi, nkaambo tuli ayebo.

—Intembauzyo 91:11; 23:4a

Zintu zyoonse buyo ndazikonzya nkaambo kanguzu nzimpedwe kuli-Kristo. Lino Leza wangu ulamuzulizizya zyoonse nzimubula anywebo kuzwa kubuvubi bkwewe bulemu buli muli-Kristo Jesu.

—Ba-Filipi 4:13, 19

Taakwe lutepauzyo lumusikila
cita mbuli matepauzyo ngibajana
bantu lyoonse, alimwi Leza wa-
syomeka, ikuti takoozoozumina
kuti mutepaulwe kwiinda inguzu
zyanu, pele antoomwe alutepau-
zyo ulacita cipolelo, kuti mukabe
alukolelo. —1 Ba-Korinto 10:13

Nkaambo kaako, atuswene ca-
kutayoowa kucuuno caluzyalo,
kuti tukatambule lweetelelo aku-
jana luzyalo lutugwasya muciindi
ncotubula. —Ba-Hebrayo 4:16

Pele na tuleenda mumumuni,
mbubonya alakwe mbwali mumu-
muni, tulijisi luswanaano umwi a-
umwi, alimwi bulowa bwa-Jesu

Kristo Mwana wakwe bulatusala-
zya kuzibi zyoonse. —1 Johane 1:7

Kotija zisusi zyabwanike, uka-
tobele bululami alusyomo aluya-
ndano aluumuno, antoomwe abaa-
bo bakomba Mwami camoyo uu-
salala. —2 Timoteo 2:22

Mbubonya obo anywebo amuli-
yeeye mbuli bafwididwe zibi, pele
baumi kuli-Leza muli-Kristo Jesu
Mwami wesu. —Ba-Roma 6:11

Eno amilibombye kuli-Leza. A-
mumukazye Saatani, uyoomucija.
—Jakobo 4:7

Majwi aako ndaayobola mumo-
yo wangu, kuti ntakubisizyi.
—Intembauzyo 119:11

KUKOMBA KWINKWINI NDUSWANAANO A-LEZA 47

Wakaamba kuti, Amuyandaule busyu bwangu. Moyo wangu ulakwaambila kuti, Busyu bwako, O Jehova, ndabuyandaula.

—Intembauzyo 27:8

Amumusyome kuziindi zyoonse, nobantu; amutule myoyo yanu kulinguwe; Leza ngemayubilo esu.

—Intembauzyo 62:8

Kondiponya, O Jehova, mpone. Kondifutula, mfutulwe, nkaambo nduwe nguntembaula.

—Jeremiya 17:14

Amukombe cakutaleka. Amube amyoyo iiumba kuzintu zyoonse, nkaambo nciconya eco bukanze bwa-Leza mbwaamukanzila muli-

Jesu Kristo.

—1 Ba-Tesalonika 5:17, 18

Pele na nkwalii akati kanu uubula busongo, akumbile kuli-Leza, uubaabila boonse cabuuya acakutatongauka, nkabela ulabupegwa.

—Jakobo 1:5

Mwanookalilila mulindime, aalo majwi aangu anookalilila mulindinywe, mwaakukumbila kufumbwa cintu ncomuyanda, ciyooba mpawo.

—Johane 15:7

Nindakayubika bubi mumoyo wangu, Mwami naatamvwa. Nkaambo kazina lyako, O Jehova, undilekelele milandu yangu, nkaambo mipati.

—Intembauzyo 66:18; 25:11

Nkaambo Mwami mwini uyoo-seluka kuzwa kujulu amukunga a-jwi lyaangelo simutwe amwee-mbo wa-Leza, nkabela nobayoo-saanguna kubuka abafwide muli-Kristo. Elyo swebo tobaumi toba-syaalizi tuyooobwezelwa mumaku-mbi antoomwe ambabo, tukaci-ngane a-Mwami mujulu aboobo tuyookala a-Mwami lyoonse.

—1 Ba-Tesalonika 4:16, 17

Lino nubayandiki, mbuli mbu-tujisi zisyomezyo ezi, atulisonzole busofwaazi boonse nibuba bwa-mibili nibuba bwamoyo, atulo-dole busalazi bwesu cakuyoowa Leza.

—2 Ba-Korinto 7:1

Lino nobana bangu, amukalilile

mulinguwe, kuti aakulibonya, tu-kabe akaanzambwene, tatukausi bweeme kumeso aakwe kukuboo-la kwakwe. —1 Johane 2:28

Anywebo amukazike myoyo ya-nu, amuliyumye, nkaambo kuboo-la kwa-Mwami kuli afwaafwi. Mu-tatongaukani nobakwesu, kuti mutabeteekwi. Amubone, mubete-si uliimvwi amulyango.

—Jakobo 5:8, 9

Amukalibambe anywebo, nkaa-mbo Mwana a-Muntu uyoosika kuciindi ncomutezi. —Luka 12:40

Nkabela muntu woonse uujisi lusyomo olu mumoyo wakwe ula-lisalazyu mbubonya mbuli mbwa-salala alakwe. —1 Johane 3:3

AMUZULE MUUYA WA-LEZA

**Amucenjele kutapatila kwangu.
Njoomutilila muuya wangu, njoo-
muzibya majwi aangu.**

—Tusimpi 1:23

**Amusanduke, mubapatizingwe
umwi umwi muzina lya-Jesu Kri-
sto, mujatilwe zibi zyanu, nomwa-
ti tambule cipego ca-Muuya Uusa-
lala.**

—Incito 2:38b

**Mutakolwi bukoko buleta buda-
kwi, pele amuzule Muuya. Amula-
yane lyoonse antembauzyo anyi-
mbo zya-Leza amalelebu, akuya
bwiimba akutembaula Mwami
mumyoyo yanu, alimwi zintu
zyoonse zili buti amuzilumbe**

**lyoonse kuli-Leza Taateesu muzi-
na lya-Mwami wesu Jesu Kristo,
akulibombya umwi aumwi ku-
mweenzinyina cakulemekwa Kri-
sto.**

—Ba-Efeso 5:18-21

**Nkaambo ngu-Leza uubeleka
mumyoyo yanu, mbuli mbwaya-
nda, akumupa inguzu zyoonse nzi-
mubula niziba zyakukanza niziba
zyakucita.**

—Ba-Filipi 2:13

**Sa tamuzi kuti ndinywe ijanda
yantempele ya-Leza, alimwi Muu-
ya wa-Leza ulamukalila mukati?
Nkaambo mwakaulwa muulo.
Nkaambo kaako, amulemye Leza
mumibili yanu.**

—1 Ba-Korinto 3:16; 6:20

Scripture text reprinted from the Bible in Tonga by permission of United Bible Societies Africa Regional Centre, Nairobi, Kenya.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org